

اداره خانہ سی : دارالفنون
قاریسندہ کاش حسن پاشا
مدرسہ سی داخندہ در

مرکز توزیعی :
باب عالی جادہ سندہ (اتحاد
تجارت) کتب خانہ سی

آبونہ بدلی :
سنہ لکی ۱۰۰ غروش
آلتی آلتی ۵۰ »

آبونہ قیدی معاملہ سی ہر سنہ تک برنجی
وایکینچی آلتی آلتی اعتباراً اجرا اولونور

دینی ، علمی ، ادبی ، اجتماعی و سرری

مختل
۱۳۳۸

مجموعہ ابرویہ سی

صاحبی ، مدیری ، محرری :

اسلامک نفعنہ خادم مقالات
مع التشر قبول ونشر اولونور

یازانک شخصیتی دکل ، یازینک احمیتی
نظر دقتہ آلتییر .

کلن یازیلردن شایان قبول کورولنلر
تاویخ صیراسیلہ درج ایدیلیر .

کوندریلہ جک آثار ، اوقوناقلی
و مختصر جہ یازیلیر ، اولمالیدر .

ذی القعدہ
فی : غروش
۱۰ ۱۳۴۱



عدد
جلد
۳۷ ۴

دده مرحوم ایکی سنده نبری آرا صیره صحتندن شکایت ایدر و وفاتنده «المفلس فی امان الله» جمله سنک بر کاغده یازیلوب دستار مولانا اوزرینه مربوطاً تابوتنه وضع ایدلمسنی سویلردی. جنازه خسته خانه دن چیقارلدیغنده بو وصیتک انفاذ ایدلدیکنی کوردیم. مکرسه ایکی سنه مقدم مطبعه اوقاف خطاطنه کنیدیسی یازدیروب حرمنه بر ایش. حیاتی امت اسلامیة نک ارشادینه وقف ایتدیکی حالده ینه کنیدیسی مفلس اعمال عد ایدن احمد دده افندی بی جناب ارحم الراحمین امان سنجانیسته ادخال و افراد عائله سنه صبر جمیل احسان بویورسون.

محمد لعل

مرحومک تاریخ وفاتی

یوریدی حقه جناب احمد حق یولنده ایدبورکن تک و بو فاتحک جامع پر نورنده مثنویخوان ایدی او مردنکو چنستان حقیقته کزوب باغ توحیددن آلمش ایدی بو دست ساقی اجلدن ناکاه مست وفاتی اوله رق چکدی سبو یازدی باقی آکا نارخ تمام مثنویخوان دده کوچدی یا هو

۱۳۴۱

شیخ عبدالباقی

احمد توفیق بک مرحوم

مبانی امیری و مجلسخانه لر مدیریت عمومی سی معاون سابق ، امین پاشا زاده احمد توفیق بک ده ارتحال و عزیم عالم جمال ایله دی .
مرحوم ، علم و عرفانی ، فضل و کمالی و صلاح حالیه نادر الامثال برمسلمان ایدی . جناب حق ، مظهر غفران بویورسون .

نظم آتی ، تاریخ وفاتیدر :

نجل ذی معرفت و فضلی امین پاشانک
که ایدی مسلمان اطلاقه هر حالی حقیق
صورتی ، سیرتی مرآت مقابله ای اونک
قول و فعلنده ایدی طوغروسی صدیق و صدیق

مرحوم ، قره حصار صاحبده تولد ایدوب صرف ، نحوکی علوم عربیه بی قسماً پتوری و پدرم مرحوم . ملردن تحصیل ایتیش بولندیغندن [ه] کنیدیسی بک سودیکم برهمشهرم ایدی . پدری فاتح درس عاملرندن مثنویخوان شهر عثمان افندی ایدی که خیلی زمان آياصوفیه جامع شریفنده مثنوی شریف تقریریه مشغول اولمشدر . احمد دده مرحومده کوریلن عشق مولانا و فیض مثنوی بو صورتله پدرلرندن موروث ایدی . اوتوز سنه بی متجاوز بر زماندنبری آياصوفیه و فاتح جامع شریفلرنده مرحومک بلا فاصله ولوجه الله مثنوی معنوی تقریری شبه سز او جذب مولانا نک تأثیرات خدا بخشاسیدر وفاتندن برکون اول یکی باغچه خسته خانه سنده زیارتده مرحوم فراش احتضارنده بیلله یالکزر رمضان شریفده و غصه وارشاده بولنه مدیغندن متأثر ایدی .
دده مرحوم بر طرفندن ده مملکت مزک صنعت طباعته مبرور خدمت لدرده بولونمشدر . مطبعه عامره ، مطبعه عثمانیه ، اوقاف اسلامیة مطبعه سی کبی بیوک مطبعه لریمزده خیلی کتب دینه مزک طبعنه دلالت ایتیش و بالذات ترتیب و تصحیحنه صرف همت ایلشمدر . بونلر میاننده اک مهمی مطبعه عامره ده طبع اولنان ؛ مسلم شریفه خدمتیدر . واقعا مسلمک صووک تصحیحی حاجی ذهنی افندی مرحوم طرفندن اجرا قلندیسه ده مسلم صحیفه لرینک شروح معتبره دن نقلاً کمال اعتنا ایله تحشیه سی کبی علمی و طباعی خدمات ابتداییه سی دده افندی مرحوم طرفندن ایفا ایدلمشدر . عینی شکله « سنن ابی داود » ک طبعنه ده دلالت ایتیش و حتی بش اون فورمه ده طبع ایدلمش بولندیغنی حالده ملقا معارف نظارتجه ترک اولنمشدر .

[*] پدرینک وقوع وفاتیه اجازتی مستشار اسبق

مرحوم خلوصی زاده راشد افندیق ایلشمدر .

اتقا اوزره کچیرمشدی سنین عمرین
ایله یوب هرایشنی شرع شریفه تطبیق
اعظم ذنبی وجود اولدیغنی عشاقک
ایده رک نشوئه عرفان ایله قلباً تحقیق
ارجعی امرینه خواهشله اجابت ایتدی
أولومک کأسنی عدايله دی گلجام ریح
روح پاکي اولارق مظهر انوار جمال
اولا غفران السی اوکا قبرنده رفیق
اولدی برآه ایله تاریخی شو مصراع کهر
نائل عفو ایده توفیقی ولی التوفیق
۱۳۴۱

طاهر المولوی

طلبه محفلی :

بو عنوان ایله مجموعه ده بر قسم مخصوص
آچورز که طلبه علوم طرفدن کونده ريله جک
یازیلری احتوا ایله یه جکدره مقصد من شأن مملکتی
یازی یه تشویق ایتک و کنج قلمره یازیلری
کورونه بيله جک بریر کوسترمکدر .

اوشرط ایله که او یازیلورده دینی و ملی بر مقصد
کوزه تیلش، غرضدن، تجاوزدن آزاده نریه و سلیس
بر افاده ایله اجاله قلم ایدیلش اولسون . بر هر ب قبیله سی
خلقندن بعضیلری ، ایچلرنده یه تیشن بر شاعره :

— بزى مدح ایت . دیمش و :

— یاپیک ده ایده می . جوابی آلمش .

بزده طلبه اقدیلره و بکله پشین اولارق عین
جوابی ویریز .

ارشاد و ایقاظ

وظیفه مجله سی

جناب ذوالجلال فرقان مینک متعدد محللرنده
(امر بالمعروف) ایله (نهی عن المنکر) ی ذکر
ایتمدر که بو ؟ وظیفه ارشادک اهمیتنی ایضاحه

کافیدر . بز شو مقاله مزده بو وظیفه نک صور
تطبیقه سندن ، معروف و منکرک ماهیتدن و سائر ده دن
بحث ایده جک دکلز . تماس ایتک ایسته دیکمز نقطه
وظیفه ارشاد و ایقاظک بر اختصاص مسئله سی
اولدیغنی ، فکر منک احاطه سی ، قلم منک اقتداری
نسبتند قیصه جه ایضاح ایتمکدر .

استعید بالله « ولکن منکم امة یدعون الی الخیر
و یأصرون بالمعروف ... » آیه جلیله سندن حقیقت
و مجاز اعتباریله ایکی معنا تظاهر ایدیور :

۱ — امر بالمعروف ، نهی عن المنکر و جوب
قطعی ایله واجبدر .

۲ — فرض کفایه دره بعض ذوات بو وظیفه یی
حسن صورتله ایفا ایتدیکی تقدیرده هر کسه فرض دکلددر .

شو قیصه ایضاحدن مستبان اوله جنی وجهله
وظیفه ارشادک فرضیتی تحقیق ایدیور . هر ایکی
شقه کوره شو نتیجه یی آلدقندن صوکره صره او
وظیفه یی کیملرک ایفا ایده بيله جکنه و ایتسی لازم
کلدیکنه کلیور که بحث ایتک ایسته دیکمز نقطه ده بودره
عصر حاضرک اختصاص عصری اولدیغنی

تصدیق ایتیه جک بر منور تصور ایدیه من . بر کوز
دوقتوری ، قولاق ، برون ، قلب و سائر خسته لقاری
تداوی ایده من . مملکت مزده بویه اولدیغنی حالده
آوروپاده مثلاً : امراض عینیه ایله مشغول اولان
ذوات بيله متعدد اختصاص شعبه لرینه آیریلشدردر .
هر دو قور شعبه اختصاصی داخلنده کی امراضک
تداوی سیله اشتغال ایدر . بر بربرک جراح ، دیشچی
و سائر اولمسنی ده ایسته مک عصرک ایجاب ایتدیردیکی
بردوشونش دکلددر ، قرون وسطائی بر فکر دردر . حتی
بویه بر صنعتکارک بو صورتله حرکتی باشقه سنک
صنعتنه تجاوز ایدیلک اعتباریله ده بر کستاخلقدر .
کذلک بر حیوانات تاجری میوه تجارتی یاپه ماز .
بر دمیرجی مرانغوزلقدن آ کلاماز . حتی بونلر